



Universitätsbibliothek Paderborn

**Agenda Dioecesis Paderbornensis Rituali Romano
accommodata**

Hermann Werner <Paderborn, Bischof>

Nevhsii, 1687

De modo absolvendi à suspensione vel interdicto extra vel intra
Sacramentalem confessionem.

urn:nbn:de:hbz:466:1-36005

Mox sedet, & cooperio capite dicit.

Dominus noster Jesus Christus te absolvat, & ego te, auctoritate ipsius, & sanctissimi Domini nostri Papæ, (vel Reverendissimi Episcopi N. vel talis superioris N.) mihi commissâ absolvō te à vinculo excommunicationis, in quam incuristi (vel incurrisse declaratus es) propter tale factum, (vel talem causam N.) & restituo te communioni & unitati fidelium, & sanctis Sacramentis Ecclesiæ In nomine Patris **X** & Filij & Spiritus sancti.

Quodsi Sacerdoti nulla sit à superiori prescripta forma, nec sibi mandatum, ut in forma ecclesiæ communī, vel consueta absolvat, tunc nihilominus pro rei gravitate prædictam cœremoniā & preces adhibeat: At vero, si res non fuerit adeo gravis, absolvere poterit, dicens:

Dominus noster Jesus Christus te absolvat: & ego auctoritate ipsius, & Sanctissimi Domini nostri Papæ, (si à Papa sit deligatus, alias Reverendissimi Domini Episcopi, vel talis superioris) mihi concessâ, absolvō te &c. ut supra.

In foro autem interiori confessarius habens facultatem absolvendi excommunicatum, absolvat, juxta formam communem, supra, præscriptam, in absolutione Sacramentali.

Ritus absolvendi excommunicatum jam mortuum.

Si quis excommunicatus ex hac vita discedens dederit signum contitionis, ne ecclesiasticâ careat sepultura, sed Ecclesiæ suffragijs, quatenus fieri potest, adjuvetur, absolvi potest, hoc modo.

Si corpus nondum sepultum fuerit, verberetur, & absolvatur, ut infra, deinde absolutum in loco Sacro sepeliatur.

Si vero fuerit sepultum in loco profano, si commodè fieri poterit, exhumabitur, & eodem modo verberabitur, & post absolutionem in loco sacro sepelietur: sed si commodè exhumari non potest, locus sepulturæ verberetur, postea absolvatur.

Quodsi in loco sacro sit sepultus, non exhumabitur, sed verberabitur sepulchrum. Dum autem corpus sive sepulturam verberat, Sacerdos dicat antiph. Exultabunt Domino ossa humiliata. Ps. Miserere mei Deus &c. quo finito absolvatur dicendo Auctoritate mihi concessâ, ego te absolvō à vinculo excommunicationis, quam incuristi (vel incurrisse declaratus es) propter tale factum, & restituo te communioni fidelium.

In nomine Patris **X** & Filij, & Spiritus sancti Amen. Deinde dicetur psalm. De profundis. in fine Requiem æternam dona ei Domine **R.** Et lux perpetua &c.

Kyrie eleison Christe eleison Kyrie eleison Pater noster. **V.** Et ne nos inducas intentionem. **R.** Sed libera nos à malo. **V.** à porta inferi **R.** Erue Domine animam ejus. Requiescat in pace. **R.** Amen.

V. Domine exaudi orationem meam. **R.** Et clamor meus &c.
Dominus vobis cum **R.** & cum spiritu tuo.

Oremus.

DA quæsumus Domine, animæ famuli tui, quem excommunicationis sententia constringerat, refrigerij sedem, quietis beatitudinem, & superni luminis claritatem. Per Christum Dominum nostrum. **R.** Amen.

De modo absolvendi à suspensione, vel interdicto, extra vel intra Sacramentalem confessionem.

Si Sacerdoti sit commissa facultas, absolvendi aliquem à suspensione, vel interdicto, quamvis nulla verba sint præcipue determinata, ut poterit hac formula.

Poenitens dicat Confiteor &c. Sac. Misereatur &c. Indulgentiam &c.

Deinde.

Auctoritate mihi à N. traditâ, ego te absolvō à vinculo suspensionis (vel interdicti) quam (vel quod) propter tale factum (vel causam) incuristi (vel incurrisse

currisse declaratus es. In nomine Patris & Filij, & Spiritus sancti. Amen.
Si vero confessario, sive in foro conscientiae, sive extra data est potestas dispensandi super irregularitate, tunc, postquam absolverit a peccatis, addat consequenter.

Et eadem auctoritate dispenso tecum super irregularitate (*vel si sint plus res, irregularitatibus*) in quam, (vel in quas) ob talem (vel tales causas) NN, incuristi, & habilem reddo, & restituo te executioni ordinum & officiorum tuorum. In nomine Patris & Filij & Spiritus sancti. Amen.

Si nullum habeat ordinem, dicatur. Habilem reddo te ad omnes ordines suscipiendos, vel etiam ad alia, juxta tenorem mandati.

Quod si necesse sit titulum beneficij restituere, & fructus male perceptos, condonare, subjungit.

Et restituo tibi titulum beneficij (vel in plurali.) & condono tibi fructus male perceptos. In nomine Patris &c.

Advertat autem Sacerdos, ne ullo modo facultatis suarum terminos excedat.

DE SANCTISSIMO EUCARISTIAE SACRAMENTO

OMNIBUS quidem Ecclesiæ Catholice Sacramentis religiosè sancteque tractandis magna ac diligens cura adhibenda est; sed præcipue in administrando ac suscipiendo sanctissimæ Eucaristiaæ Sacramento, quo nihil dignius, nihil sanctius, & admirabilius habet Ecclesia Dei; cum in eo contineatur præcipuum & maximum Dei donum, & ipsem omnis sanctitatis & gratiarum fons, auctorque Christus Dominus.

Parochus igitur summum studium in eo ponat, ut cum ipse venerabile hoc Sacramentum, qua decet, reverentia, debitoque cultu tractet, custodiat, & administret; tum etiam populus sibi commissus id religiosè colat, sancte, frequenterque suscipiat, præsertim in majoribus anni solemnitatibus.

Ideo populum saepius admonebit, qua præparatione, & quanta animi religione ac pietate, & humili etiam mundoque corporis habitu ad tam divinum Sacramentum debeat accedere: ut præmissâ Sacramentali confessione, omnes, saltem à media nocte, jejunii, & utroque genu flexo, Sacramentum humiliter adorent, ac reverenter suscipiant, viri, quantum fieri potest, à mulieribus separati. Ut vero ad frequentiorem communionem suavius & efficacius suos inducat non facile nec importunè extra quatuor majora festa exiget aut admittet nummos confessionales.

Moneantur præterea Communicantes, ut sumpto Sacramento non statim ab Ecclesia descendant, aut colloquantur, nec statim vagis oculis circumspiciant, aut expuant, nec de libro statim orationes recitent, ne Sacramenti species ex ore decident: sed, qua pars est, devotione, aliquantis per in oratione permaneant, gratias agentes Deo de tam singulari beneficio, atque etiam de sanctissimâ passione Dominicâ, in cuius memoriam hoc mysterium celebratur & sumitur.

Curare porro debet, ut perpetuò aliquot particulae consecratae, eo numero, qui usui infirmorum, & aliorum fidelium communioni satis esse possit, conserventur in pixide, ex solida, decentiique materia, eaque munda, & suo operculo bene clausâ, & quantum res feret, ornato in tabernaculo obserato.

Hoc autem tabernaculum omni alia re vacuum, in altari majori, vel in alio, quod cultui & venerationi tanti Sacramenti commodius videatur ac decentius, sit collocatum, ita ut nullum alijs sacris functionibus, aut ecclesiasticis officijs impedimentum afferatur. Lampades coram eo plures vel saltem una, diu noctuque perpetuò colluceat; curabitque Parochus, ut omnia, ad ipsius Sacramenti cultum ordinata, integra, mundaque sint & conserventur.

Sanctissimæ Eucaristiaæ particulas frequenter renovabit. Hostie vero seu particulae consecrandae sint recentes, & ubi eas consecraverit, veteres primò distribuat, vel sumat.

Fideles omnes ad Sacram Communionem admittendi sunt, exceptis ijs, qui justa ratione prohibentur. Arcendi autem sunt publicè in digni, quales sunt, excommunicati, interdicti, & manifestè infames, veluti meretrices, concubinarij, fornicatores, magi, sorcilegi, blasphemæ, & alij ejus generis.